



Commune Virginum.

IN I. VESPERIS.

Añã. Hæc est Virgo sapiens, * et una de numero prudentum.

Psalmus cix.



Ixit Dominus Domino meo: *
Sede a dextris meis:

Donec ponam inimicos tuos, * scabellum pedum tuorum.

Virgam virtutis tuæ emittet Dominus ex Sion: * dominare in medio inimicorum tuorum.

Tecum principium in die virtutis tuæ in splendoribus sanctorum: * ex utero ante luciferum genui te.

Juravit Dominus, et non poenitebit eum: * Tu es sacerdos in æternum se-

cundum ordinem Melchisedech.

Dominus a dextris tuis, * confrégit in die iræ suæ reges.

Judicabit in nationibus, implebit ruinas: * conquassabit capita in terra multorum.

De torrente in via bibet: * propterea exaltabit caput.

Añã. Hæc est Virgo sapiens, et una de numero prudentum.

Añã. Hæc est Virgo sapiens, * quam Dominus vigilantem invenit.

Psalmus cxij.

Laudate pueri Dominum: * laudate nomen Domini.

Sit nomen Domini benedictum, * ex hoc nunc, et usque in sæculum.

A solis ortu usque ad occasum, * laudabile nomen Domini.

Excelsus super omnes Gentes Dominus, * et super cælos gloria ejus.

Quis sicut Dominus Deus noster, qui in altis habitat, * et humilia respicit in cælo et in terra?

Suscitans a terra inopem, * et de stercore erigens pauperem:

Ut collocet eum cum principibus, * cum principibus populi sui.

Qui habitare facit sterilem in domo, * matrem filiorum lætātem.

Añã. Hæc est Virgo sapiens, quam Dominus vigilantem invenit.

Añã. Hæc est quæ nescivit torum in delicto: habebit fructum in respectiōne animarum sanctorum.

Psalmus cxvj.

Lætatus sum in his, quæ dicta sunt mihi: * In domum Domini ibimus.

Stantes erant pedes nostri, * in atriis tuis Jerúsalem.

Jerúsalem, quæ ædificatur ut civitas: * cujus participatio ejus in idipsum.

Illuc enim ascenderunt tribus, tribus Domini, * testimonium Israel ad confitendum nomini Domini.

Quia illic sederunt sedes in judicio, * sedes super domum David.

Rogate quæ ad pacem sunt Jerúsalem: * et abundantia diligentibus te:

Fiat pax in virtute tua: * et abundantia in turribus tuis.

Propter fratres meos, et próximos meos, * loquēbar pacem de te:

Propter domum Domini Dei nostri, * quæsivi bona tibi.

Añã. Hæc est quæ nescivit torum in delicto: habebit fructum in respectiōne animarum sanctorum.

Añã. Veni electa mea, * et ponam in te thronum meum, allelúia.

Psalmus cxvij.

Nisi Dominus ædificáverit domum, * in vanum laboraverunt qui ædificant eam.

Nisi Dominus custodierit civitatem, * frustra vigilat qui custodit eam.

Vanum est vobis ante lucem surgere: * surgite postquam sederitis, qui

manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excusórum.

Beátus vir qui implévit desidérium suum ex ipsis : * non confundétur cum loquétur inimicis suis in porta.

Añã. Veni elécta mea, et ponam in te thronum meum, allelúia.

Añã. Ista est speciósã * inter filias Jerúsalem.

Psalmus cxiij.

Lauda Jerúsalem Dóminum : * lauda Deum tuum Sion.

Quóniam confortávit seras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttet elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit,

Míttet cristállum suam sicut buccéllas : * ante faciém frígoris ejus quis sustinébit ?

Emíttet verbum suum, et liquefaciet ea : * flabit spíritus ejus, et fluent aquæ.

Qui annúnciat verbum suum Jacob : * justítias, et judícia sua Israel.

Non fecit táliter omní nationi : * et judícia sua non manifestávit eis.

Añã. Ista est speciósã inter filias Jerúsalem.

Capítulum. 2. Cor. x. d

Ratres, Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

Hymnus.

Jesu coróna Virginum, Quem Mater illa concipit,

Quæ sola Virgo párturit : Hæc vota clemens áccipe.

Qui pergis inter lília, Septus choréis Virginum, Sponsus decórus glória, Sponsisque reddens præmia.

Quocúmque tendis, Virgines

Sequúntur, atque láudibus

Post te canéntes cúrsitant, Hymnósque dulces persónant.

Te deprecámur súpplices ; Nostris ut addas sénsibus,

Nescire prorsus ómnia Corruptiónis vúlnera.

Virtus, honor, laus, glória Deo Patri cum Filio, Sancto simul Paráclito, In sæculórum sæcula.

Amen.

V. Spécie tua et pulchritúdine tua. **R.** Inténde, prospere procéde, et regna.

Ad Magnif. Añã. Veni sponsa Christi, * áccipe corónam, quam tibi Dóminus præparávit in ætérnum.

Oratio.

Deus, qui inter cetera poténtiæ tuæ miracula étiam in sexu frágili victóriam martyrii contulisti : concéde propítius, ut qui beátæ **N.** Virginitatis et Mártiris tuæ natalítia cólimus, per ejus ad te exémpia gradiámur. Per Dóminum.

Alia Oratio.

Indulgéntiam nobis, quæsumus Dómine, beátæ **N.** Virgo et Martyr implóret : quæ tibi grata semper éstitit et mérito castitátis, et tuæ professióne virtútis. Per Dñm.

Pro Virgine non Martyre.

Oratio.

Exáudi nos Deus salutaris noster : ut sicut de beátæ **N.** Virginitatis tuæ

festivitáte gaudémus, ita piæ devotiónis erudiámur afféctu. Per Dóminum.

Si fuerint plures, in utriusque Vesperis ad Magnificat, Añã. Prudéntes Virgines. cum **V.** et Oratione ut in Laudibus.

AD MATUTINUM.

Invitat. Regem Virginum Dóminum, * Venite adorémus. **Ps.** Veníte. 2.

Hymnus.

Virginis Proles, Opifexque Matris,

Virgo quem gessit, peperitque Virgo ;

Virginis partos cánimus decóra

Morte triúmpos.

Hæc enim palmæ dúplicitis beátæ

Sorte, dum gestit fráguilem domáre

Córpore sexum ; domuit cruéntum

Cæde tyránnum.

Unde nec mortem, nec amíca mortis

Mille pœnarum génera expavéscens,

Sáanguine effúso méruit serénam

Scándere cœlum.

Hujus orátu Deus alme nobis

Débitas pœnas scélerum remítte ;

Ut tibi puro resonemus al-
mum

Pectore carmen.

Sit decus Patri, genitæ-
que Proli,

Et tibi compar utriusque
virtus

Spiritus semper, Deus
unus omni

Temporis ævo.

Amen.

Pro Virgine non Martyre.

Hymnus.

Virginis Proles, Opi-
féxque Matris,

Virgo quem gessit, pepe-
ritque Virgo;

Virginis festum cānimus
beātæ,

Accipe votum.

Hujus orātū Deus me
nobis

Débitas pœnas scélerum
remitte;

Ut tibi puro resonemus
almum

Pectore carmen.

Sit decus Patri, genitæ-
que Proli,

Et tibi compar utriusque
virtus

Spiritus semper, Deus
unus omni

Temporis ævo.

Amen.

In I. Nocturno.

Añā. O quam pulchra *
est casta generatio cum
claritate?

Psalmus viij.

Omine Dóminus
noster, * quam ad-
mirabile est no-
men tuum in univér-
sa terra!

Quóniam elevata est ma-
gnificéntia tua, * super
cœlos.

Ex ore infántium et la-
cténtium perfecisti lau-
dem propter inimicos
tuos, * ut destruas inimi-
cum et ultórem.

Quóniam vidébo cœlos
tuos, ópera digitorum tuó-
rum : * lunam et stellas,
quæ tu fundásti.

Quid est homo, quod me-
mor es ejus? * aut filius
hóminis, quóniam vísitas
eum?

Minuísti eum paulo mi-
nus ab Angelis, glória et
honóre coronásti eum : *
et constituísti eum super
ópera mánuum tuárum.

Omnia subjecísti sub pé-
dibus ejus, * oves et boves
univérsas : insuper et pé-
cora campi.

Vólucres cœli, et pisces
maris, * qui perámbulant
sémitas maris.

Dómine Dóminus no-
ster, * quam admirabile
est nomen tuum in uni-
vér-
sa terra!

Añā. O quam pulchra

est casta generatio cum
claritate!

Añā. Ante torum * hujus
Virginis frequentate nobis
dulcia cantica dramatis.

Psalmus xvij.

Celi enarrant glóriam
Dei, * et ópera má-
nuum ejus annútiat fir-
maméntum.

Dies diéi erúctat ver-
bum, * et nox nocti índi-
cat sciéntiam.

Non sunt loquélæ, neque
sermónes, * quorum non
audiántur voces eórum.

In omnem terram exívit
sonus eórum : * et in fines
orbis terræ verba eórum.

In sole pósuit tabernácu-
lum suum : * et ipse tam-
quam sponsus procédens
de thálamo suo :

Exsultávit ut gigas ad
curréndam viam, * a sum-
mo cœlo egréssio ejus :

Et occúrsus ejus usque
ad summum ejus : * nec
est qui se abscondat a ca-
lóre ejus.

Lex Dómini immaculata
convértens ánimas : * tes-
timónium Dómini fidéle,
sapiéntiam præstans pár-
vulis.

Justítie Dómini rectæ,
lætificántes corda : * præ-
ceptum Dómini lícidum,
illúminans óculos.

Timor Dómini sanctus,
pérmanens in sæculum
sæculi : * judícia Dómini
vera, justificata in semet-
ipsa.

Desiderabilia super au-
rum et lápidem pretiósum
multum : * et dulcióra
super mel et favum.

Etenim servus tuus cu-
stódit ea, * in custodién-
dis illis retribúto multa.

Delicta quis intélligit?
ab occúltis meis munda
me : * et ab aliénis parce
servo tuo.

Si mei non fúerint domi-
nati, tunc immaculátus
ero : * et emundabor a de-
licto máximo.

Et erunt ut compláceant
elóquia oris mei : * et me-
ditatio cordis mei in con-
spéctu tuo semper.

Dómine adjutor meus, *
et redemptor meus.

Añā. Ante torum hujus
Virginis frequentate no-
bis dulcia cantica drama-
tis.

Añā. Revértere, * revér-
tere Sunamítis : revérte-
re, revértere, ut intueá-
mur te.

Psalmus xxij.

Domini est terra, et
plenitúdo ejus : * or-
bis terrarum, et univér-
si qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutáris suo.

Hæc est generatio quærentium eum, * quærentium faciém Dei Jacob.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Añã. Revértere, revértere Sunamítis : revértere, revértere, ut intueámur te.

V. Spécie tua et pulchritudine tua. **R.** Inténde,

prósperè procéde, et regna.

Pater noster. Absolutio. Exáudi Dómine. **V.** Jube domne. **Benedictio.** Benedictiónem perpétua.

De Epístola prima beáti Pauli Apóstoli ad Corínthios.

Lectio j. Cap. vij. e

E virgínibus præceptum Dómini non hábeo : consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatióem tamen carnis habébunt hujúsmodi. Ego autem vobis parco. Hoc itaque dico, fratres : Tempus breve est : reliquum est, ut et qui habent uxóres, tamquam non habentes sint : et qui flent, tamquam non flentes : et qui gaudent, tamquam non gaudentes : et qui emunt, tamquam non possidén-

tes : et qui utúntur hoc mundo, tamquam non utántur : præterit enim figúra hujus mundi.

Pro Martyre, R. Veni sponsa Christi, áccipe corónam, quam tibi Dóminus præparávit in ætérnum : pro cujus amóre sánguinem tuum fudísti, * Et cum Angelis in paradísium introísti. **V.** Veni elécta mea, et ponam in te thronum meum, quia concupívit Rex spéciem tuam. — Et cum Angelis.

Si non fuerit Martyr, dicitur sequens R. Veni elécta mea, et ponam in te thronum meum : * Quia concupívit Rex spéciem tuam. **V.** Spécie tua et pulchritudine tua, inténde, própserè procéde, et regna. — Quia.

Benedictio. Unigénitus Dei Fílius.

Lectio ij.

Volo autem vos sine sollicitudine esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, et divisus est. Et mulier innúpta, et virgo cógitat quæ Dómini sunt,

ut sit sancta córpore, et spírítu. Quæ autem nupta est, cógitat quæ sunt mundi, quómodo pláceat viro. Porro hoc ad utilitátem vestram dico : non ut láqueum vobis injíciam, sed ad id, quod honestum est, et quod facultátem præbeat sine impediménto Dóminum obsecrándi. *

R. Diffúsa est grátia in lábiis tuis : * Proptérea benedixit te Deus in ætérnum. **V.** Spécie tua et pulchritudine tua, inténde, própserè procéde, et regna. — Proptérea.

Benedictio. Spírítus sancti grátia.

Lectio iij.

Si quis autem turpem se vidéri existimat super vírgine sua, quod sit superadúlta, et ita opórtet fieri : quod vult faciát : non peccat, si nubat. Nam qui státuit in corde suo firmus, non habens necessitátem, potestátem autem habens suæ voluntátis, et hoc judicávit in corde suo, serváre vírginem suam, bene facit. Igitur et qui matrimonio jungit vírginem suam, bene facit : et qui non jungit, mélius facit.

Mulier alligata est legi quanto tempore vir ejus vivit. Quod si dormierit vir ejus, liberata est : cui vult nubat, tantum in Domino. Beatorum autem erit si sic permanserit, secundum meum consilium : proputo autem quod et ego Spiritum Dei habeam.

R. Specie tua et pulchritudine tua, * Intende, prospere procede, et regna.

V. Diffusa est gratia in labiis tuis, propterea benedixit te Deus in aeternum. — Intende. Gloria Patri. Intende.

In II. Nocturno.

Añã. Specie tua * et pulchritudine tua, intende, prospere procede, et regna.

Psalmus rlv.



Ructavit cor meum verbum bonum : * dico ego opera mea Regi.

Lingua mea calamus scribae, * velociter scribens.

Speciosus forma praefiliis hominum, diffusa est gratia in labiis tuis : * propterea benedixit te Deus in aeternum.

Accingere gladio tuo super femur tuum, * potentissime,

Specie tua et pulchritudine tua, * intende, prospere procede, et regna, Propter veritatem, et mansuetudinem, et justitiam : * et deducet te mirabiliter dextera tua.

Sagittae tuae acutae, populi sub te cadent, * in corda inimicorum Regis.

Sedes tua Deus in saeculum saeculi : * virga directionis virga regni tui.

Dilexisti justitiam, et odisti iniquitatem : * propterea unxit te Deus Deus tuus oleo laetitiae praefans consortibus tuis.

Myrrha, et gutta, et casia a vestimentis tuis, a domibus eburneis : * ex quibus delectaverunt te filiae regum in honore tuo.

Astitit regina a dextris tuis in vestitu deaurato : * circumdata varietate.

Audi filia, et vide, et inclina aurem tuam : * et obliviscere populum tuum, et domum patris tui.

Et concupiscet Rex decorem tuum : * quoniam ipse est Dominus Deus tuus, et adorabunt eum.

Et filiae Tyri in munibus * vultum tuum deprecabuntur : omnes divites plebis.

Omnis gloria ejus filiae

Regis ab intus, * in fimbriis aureis circumamicta varietatibus.

Adducuntur Regi virgines post eam : * proximae ejus afferentur tibi.

Afferentur in laetitia et exultatione : * adducuntur in templum Regis.

Pro patribus tuis nati sunt tibi filii : * constitues eos principes super omnem terram.

Memores erunt nominis tui * in omni generatione et generationem.

Propterea populi confitebuntur tibi in aeternum : * et in saeculum saeculi.

Añã. Specie tua et pulchritudine tua, intende, prospere procede, et regna.

Añã. Adjuvabit eam * Deus vultu suo : Deus in medio ejus, non commovebitur.

Psalmus rlv.

Deus noster refugium, et virtus : * adjutor in tribulationibus, quae invenerunt nos nimis.

Propterea non timebimus dum turbabitur terra : * et transferentur montes in cor maris.

Sonuérunt, et turbatae sunt aquae eorum : * con-

turbati sunt montes in fortitudine ejus.

Fluminis impetus laetificat civitatem Dei : * sanctificavit tabernaculum suum Altissimus.

Deus, in medio ejus, non commovebitur : * adjuvabit eam Deus mane diluculo.

Conturbatae sunt Gentes, et inclinata sunt regna : * dedit vocem suam, mota est terra.

Dominus virtutum nobiscum : * susceptor noster Deus Jacob.

Venite, et videte opera Domini, quae posuit prodigia super terram : * auferens bella usque ad finem terrae.

Arcum conteret, et confringet arma : * et scuta comburet igni.

Vacate, et videte quoniam ego sum Deus : * exaltabor in gentibus, et exaltabor in terra.

Dominus virtutum nobiscum : * susceptor noster Deus Jacob.

Añã. Adjuvabit eam Deus vultu suo : Deus in medio ejus, non commovebitur.

Añã. Aquae multae * non potuerunt extinguere caritatem.

Psalmus cxbij.

Magnus Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne univérse terræ mons Sion, * látera Aquilónis, civitas Regis magni.

Deus in dómibus ejus cognoscétur, * cum suscipiet eam.

Quóniam ecce reges terræ congregáti sunt: * convenérunt in unum.

Ipsi vidéntes sic admiráti sunt, conturbáti sunt, commóti sunt: * tremor apprehéndit eos.

Ibi dolóres ut parturiéntis, * in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri: * Deus fundávit eam in ætérnum.

Suscépi-mus Deus misericórdiam tuam, * in médio templi tui.

Secúndum nomen tuum Deus, sic et laus tua in fines terræ: * justítia plena est dextera tua.

Lætétur mons Sion, et exsúltent filiæ Judæ, * propter judícia tua Dómine.

Circúmdate Sion, et com-

plectimini eam: * narráte in túrribus ejus.

Pónite corda vestra in virtúte ejus: * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi: * ipse reget nos in sæcula.

Añã. Aquæ multæ non potuérunt exstinguere caritátém.

V. Adjuvábít eam Deus vultu suo. **R.** Deus in médio ejus, non commovébitur.

Pater noster. **Absolutio.** Ipsius pietas. **V.** Jube domne. **Benedictio.** Deus Pater omnípotens.

Sermo sancti Ambrósii Episcopi.

Lib. i. de Virg. circa init.

Lectio iii.

Uóniam hódie natalis est Virginis, invitát nunc integritátis amor, ut áliquíd de virginitáte dicámus: ne véluti tránsitu quodam præstrícta videátur, quæ principális est virtus. Non enim ídeo laudábilis virginitas, quia in Martyribus reperitur: sed quia ipsa Mártýres faciat. Quis autem humáno eam possit ingénio comprehendere,

quam nec natúra suis inclúsit légibus? Aut quis naturáli voce complécti, quod supra usum natúre sit? E cælo accersívit, quod imitarétur in terris. Nec immérito vivéndi sibi usum quæsívít e cælo, quæ sponsum sibi invénit in cælo.

R. Propter veritátém, et mansuetúdinem, et justítiam: * Et dedúcet te mirabíliter dextera tua. **V.** Spécie tua et pulchritúde tua, inténde, prospere procéde, et regna. — Et dedúcet.

Benedictio. Christus perpétuæ.

Lectio iv.

HÆC, nubes, áera, Angelos, sideraque transgrédiens, Verbum Dei in ipso sinu Patris invénit, et toto hausit pectore. Nam quis tantum, cum invenerit, relínquat boni? Unguéntum enim exinanítum est nomen tuum: proptérea adolescentulæ dilexérunt te, et attraxérunt te. Postrémo, non meum est illud, quóniam quæ non nubunt, neque nubéntur, erunt sicut Angeli Dei in cælo. Nemo ergo mirétur, si Angelis comparéntur, quæ

Angelórum Dómino copulántur.

R. Dilexisti justítiam, et odisti iniquitátém: * Proptérea unxit te Deus, Deus tuus óleo lætítie. **V.** Propter veritátém, et mansuetúdinem, et justítiam. — Proptérea.

Benedictio. Ignem sui amoris.

Lectio vj.

Quis ígitur neget hanc vitam fluxísse de cælo, quam non fácte invenimus in terris, nisi postquam Deus in hæc terréni córporis membra descendit? Tunc in útero Virgo concépit, et Verbum caro factum est, ut caro fieret Deus. Dicit áliquis: Sed étiam Elías nullius corpórei cóitus fuisse permíxtus cupiditátibus invenitur. Ideo ergo curru raptus ad cælum: ídeo cum Dómino appáret in glória, ídeo Domínici ventúrus est præcúrsor advéntus.

R. Afferéntur Regi Virgines post eam, próximæ ejus, * Afferéntur tibi in lætítia et exsultatióne. **V.** Spécie tua et pulchritúde tua, inténde, prospere procéde, et regna. — Afferéntur. **Glória** Patri. Afferéntur.